

Hagai

Gêdên jala 520 gêmun Kilisi gêmên nomña Anôtô kêkên jaen dambê ñagêdô gêdên propete Hagai. En kejon bin tonan sa kêsêp nê buku. Lau Juda sêmu sêmên anga nêñ kapoacwalô ma sêngôn Jerusalem jala ñagêdô su. Mago lôm dabun ñapopoc gacgen gêc. Anôtônê jaen kékac launên kasêga gebe sêkwê lôm dabun sa êtiam. Ma Apômtau gêjac mata gebe lau, tan sêjam tauñ ôkwi e têtû selec nan, oc têtap nêñ gên ñajam to wama sa êndên têm ten, tan gêc nêmña nan.

Jatu gebe sêkwê lôm dabun sa êtiam

¹ Gêdên kin Darius nê gôlin ñajala kêtû luagêcña ñaajôn kêtû 6 ñabêc ñamataña Apômtaunê bin gêmên gêdên Sealtiel latu Serubabel, tan kêtû gôlinwaga Judanã nan, agêc Jehosadak latu dabun sêga Josua kêsa propete Hagai awa gebe ² “Lausin undambêña nêñ Apômtau kêsôm amboac tonec gebe Lau tonec sêsôm gebe “Têm takwê Apômtaunê andu sa êtiamña mêngeô lasê su atom tagen.” ’ ³ Kêtû tonanña Apômtau nê bin kêsa propete Hagai awa gebe ⁴ “Andu tonec popoc-popocgen gêc, mago amac akwê taôm nêm andu ñajam-ñajamña ñatêm mênkêsa me.” ⁵ Amboac tonan lausin undambêña nêñ Apômtau kêsôm tonec gebe “Taêm ênam taôm alic acgom, amac amoa amboac ondoc. ⁶ Amac apalip ñawê taêsam,

mago ajonj ñanô ñagecgenj sa. Gêñ aninña gêc amac, mago gêôc amac tôn atom. Amac akôc ñakwê gebe asô, mago kêjandanj amac atom. Ma lau, tanj sêjam kôm kêtú awañja nanj, sêjam kôm, mago kôm ñaôli tau gêlôm êsêac atom.

⁷ “Lausinj undambêña nêñ Apômtau kêsôm gebe Taêm ênam alic acgom, amac amoa amboac ondoc. ⁸ Galoc api lôc anamanj ma akôc ka amêñ ma akwê andu tau gebe ênac matocanô ñajam ma atoc aê sa ñapep êtiam. ⁹ Amac taêm kêka kôm ñanô kapôênj, mago gêjam tau ôkwi kêtú saunj. Amac ajonj kôm ñanô tau sa ma aê gaju sa gêjanja. Apômtau kêsôm gebe Aê gagôm tonanj kêtú asagenña. Ñam gebe ñoc andu popoc-popocgenj gêc ma amac samob ôlim palê kêsa kêtú akwê taôm nêmandu sa kêtômgenj. ¹⁰ Kêtú tonanña umbonj kêgaminj maninj ma nom kêgaminj ñanô. ¹¹ Ma aê gamôêc oc kêsêgô gamênj to lôc ma polom to wain wakuc ma niptêkwi to gêñ samob, tanj nom kêkêñ kêpi gêmênj nanj, ma ñamalac to bulimakao ma kôm samob tanj sêjam nanj.”

¹² Go Sealtiel latu Serubabel agêc dabunjsêga Jehosadak latu Josua ma lau ñapopoc samob tanenj wamu Apômtau, nêñ Anôtô nê awa to propete Hagai, tanj Apômtau, nêñ Anôtô kêsakinj enj nanj, nê binj ma têtêc Apômtau. ¹³ Go Apômtaunê jaenwaga Hagai kêsôm Apômtaunê binj gêdênj lau tau gebe “Apômtau kêsôm gebe Aê gamoa gawinj amac.” ¹⁴ Ma Apômtau kêkêli Sealtiel latu gôlinwaga Serubabel agêc Jehosadak latu dabunjsêga Josua ma lau ñapopoc samob nêñ ñalêlôm ma êsêac sêmênj sêjam kôm kêpi lausinj undambêña nêñ Apômtau,

nêñ Anôtô, nê andu ¹⁵ gêdêñ ajônñ kêtú 6 ñabêc 24.

2

Lôm dabuñ wakuc ñawasi tau ma moasiñ wakuc

¹ Gêdêñ kin Darius nê gôlinñ ñajala kêtú luagêc ñaajônñ kêtú 7 ñabêc 21 Apômtaunê binñ kêsá propete Hagai awa amboac tonec gebe ² “Galoc ôsôm êndêñ gôlinñwaga Judaña Sealtiel latu Serubabel agêc Jehosadak latu dabuñsêga Josua ma êndêñ lau ñapopoc samob amboac tonec gebe ³ Amacnêm asa gêmóa, tañ gêlic andu ñawasi gêmunña su nañ. Ma amac alic andu galocña tau amboac ondoc. O alic gêñ galocña amboac gêñ ñaôma me masi. ⁴ O Serubabel, têmtac êpa sugenñ. Dabuñsêga Josua, têmtac êpa sugenñ. Ma lau gamêñ tonecña samob, têmtac êpa sugenñ. Apômtaunê binñ tau tonec. Akôc kôm sa gebe aê gamoa gawinñ amac. Lausiñ undambêña nêñ Apômtau nê binñ tau tonec. ⁵ Aêñoc Ñalau oc êmóa amac ñalêlôm, atêc taôm atom. ⁶ Gebe lausiñ undambêña nêñ Apômtau kêsôm amboac tonec gebe Saunñenñ acgom, go aê oc jawiwic undambê to nom ma gwêc to masanñ dim tagenñenñ êwiñ. ⁷ Aê oc jawiwic tentenñlatu pebenñ gebe samob sêkôc nêñ awamataêjam sêmênñ ma aê jakênñ ñawasi andu tonecña ênam auc. Lausiñ undambêña nêñ Apômtau kêsôm binñ tonec. ⁸ Gebe silber ñatau aê ma gold ñatau aêgoc. Lausiñ undambêña nêñ Apômtau kêsôm binñ tonec. ⁹ Lôm dabuñ tonec ñawasi ñamuña oc êlêlêc gêmunña su. Lausiñ undambêña nêñ Apômtau kêsôm binñ tonec ma anña gamêñ tau tonec tec janam mec lau. Lausiñ undambêña nêñ Apômtau kêsôm binñ tonec.”

Propete kêtû kênac lau dabunwaga

10 Gêdêñ Dariusnê gôlin ñajala kêtû luagêc ñaajôn 9 ñabêc 24 Apômtaunê bin kêsa propete Hagai awa amboac tonec gebe 11 “Lausin undambêña nêñ Apômtau kêsôm amboac tonec gebe Ôtu kênac êsêac dabunwaga gebe sêwa bin tonec sa gebe 12 ‘Ñac teñ embe ênsamban ñamêsôm da dabunña êsêp nê ñakwê ñalêsu ma êmoasac polom me gêñ kêsôc teñ me wain me niptêkwi me gêñ amboac tonan ñagêdô ña nê ñakwê nan, oc gêñ tau êtu dabun me masi.’ ” Ma dabunwaga sêjô bin tau gebe “Masi.” 13 Go Hagai kêsôm gebe “Mago ñac teñ, tan gêmoa gêwin ñacmatê teñ ma gesen nê dabun su nan, embe en êmoasac gêñ amboac tonan ñateñ nan, oc gêñ tau ñatêmui êsa e êtu da êtiam me masi.” Dabunwaga sêjô bin tau gebe “Oc selec atom.” 14 Go Hagai kêsôm gebe” Apômtau kêsôm gebe Lau tonan nêñ bin amboac tonan. Aê galic gôlôacmôkê têtôm tonan. 15 Mago galoc taêm ênam ñapep ma ajop gêñ, tan mênêsa ênac m êndêñ bêc tonec ma elom-elom êna. Gêdêñ tan adênan poc teñ gêsac poc teñ ñaô anga Apômtaunê lôm dabun atomgeñ nan, amac amoa amboac ondoc. 16 Ñac teñ gêô lasê polom ñaton, tan gêjac talu 20 ñawae nan, mago kêtap polom talu 10 geñ sa. Teñ gêô lasê sêpip wain ñamala gebe êkôc gasuc 50, mago kêtap 20 geñ sa. 17 Apômtau kêsôm gebe Aê gajac amac to nêñ gêñ kômña ña bun to gwa ma kompoc. Gêñ samob, tan amac ajam kôm kêpi nan, mago amac amu adêñ aê amêñ atom. 18 Ajop ñapep, anac m êndêñ bêc tonec. Bêc tau ajôn 9 ñabêc 24. Akêñ Apômtaunê lôm dabun ñanomban gêdêñ bêc tau. Ajop ñapep

gebe ¹⁹ gêḡ ḡawê oc ê su anḡa andu ajac gêḡ saḡa me masi. Ma wain to jambô ma nip to katêkwi oc ḡanômê me masi. Ocsalô aê gajac m gebe janam mec.”

Apomtau gêjac mata biḡ gêdêḡ Serubabel

²⁰ Gêdêḡ bêc 24 tonanḡeḡ Apômtaunê biḡ gêdêḡ Hagai kêtḡ luagêcḡa amboac tonec gebe ²¹ “Ôsôm êndêḡ gôliḡwaga Judaḡa Serubabel gebe Aê gabe jawiwic undambê to nom ²² ma japô kiḡnêḡ lêpônḡ ênduc to jansenḡ tentenḡlatu nêḡ gamêḡ ḡaclai su. Aê oc japô nêḡ kareta to êsêac, taḡ sêkô ḡaô naḡ, ênduc ma nêḡ hos to lau, taḡ sêḡḡônḡ hos ḡaô naḡ, sêu taḡ ma senseḡ taḡ su sênaḡa. ²³ Lausiḡ undambêḡa nêḡ Apômtau kêsôm gebe Êndêḡ bêc tonanḡ aê oc jakôc ḡoc sakiḡwaga aôm Sealtiel latu Serubabel gebe jakôc aôm gebe ôtu gôliḡwaga ônam aê lanḡoc gebe aê kajaliḡ aôm sa.” Lausiḡ undambêḡa nêḡ Apômtau kêsôm biḡ tonanḡ.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb